



PM terima kunjungan Huazong

Perdana Menteri, Datuk Seri Ismail Sabri Yaakob, menerima kunjungan hormat pemimpin utama Gabungan Pertubuhan Cina Malaysia (Huazong), yang antara lain mereka berkongsi pandangan mengenai ekonomi dan isu semasa di Putrajaya, semalam. Antara yang hadir pada pertemuan kira-kira sejam di Perdana Putra, ialah Presiden Huazong, Tan Sri Goh Tian Chuan; Timbalan Presiden, Datuk Ong Seng Khek; Naib Presiden, Datuk Lam Kuang Yau; Setiausaha Agung, Datuk Dr Wong Aik Loung dan Bendahari, Tan Sri Tan Kean Soon. Ditubuhkan pada 1991,

Huazong adalah pertubuhan bukan kerajaan (NGO) yang menggabungkan 13 persatuan dan pertubuhan Cina di setiap negeri dan wilayah di Malaysia. Huazong memainkan peranan untuk memelihara kepentingan komuniti Cina dalam isu berkaitan ekonomi, kebudayaan, pendidikan serta pembangunan sosial. Huazong menjadi pengantara komunikasi antara komuniti Cina di Malaysia dengan kerajaan Malaysia dan memupuk semangat perpaduan masyarakat Cina melalui penganjuran aktiviti bersifat kebudayaan.

BF- 8/6/2022 m/d: 6